

射
鷹
樓
詩
話

射鷹樓詩話卷三

侯官林昌彝惠常輯

外夷奇器其始皆出中華久之中華失其傳而外夷襲之王伯厚小學紺珠載薛季宣云晷漏有四曰銅壺曰香篆曰圭表曰輓彈按輓彈卽自鳴鐘宋以前未有之失其傳耳粵東溫伊初先生詩云西夷製器雖奇巧半是中華舊製來此論得之余謂渾天儀自鳴鐘中國人皆能爲之何必用於外地乎他日洋烟絕其進口並西夷所製器物勿使入內地焉可也

吾閩之五虎門天險者也天險則其勢可據險者何非兩岸之高山亦非海底之碇礁石所謂天險者蓋以潮信一日一汐潮退時則船攔閘不得行今以閩中省垣之地勢論

之梅花五虎壺江金牌熨斗鳥豬猶唇也閩安猶齒也亭
頭濂浦猶舌也唇亡齒寒之候其舌尚能伸縮自如乎以
兵家九地形勢論之亭頭濂浦則爲散地園地也梅花五
虎壺江金牌熨斗鳥豬則爲重地利地也至琅琦十三鄉
南連長樂北界連江西接閩安北控大海其地皆有險可
據自道光二十一年逆夷寇廈門省垣官弁恐其自虎門
竄入乃不屯重兵於壺江金牌熨斗鳥豬祇填船於濂浦
此之謂棄重地利地而保散地園地矣猶之人家防賊大
門而不牢固徒以椅棹等物阻於房內欲賊之不擅入得
乎故用兵者當先辨九地之形而後扼其要否則以地與
敵耳家文忠公少穆宮傅五虎門觀海詩云天險設虎門
大礮森相向海口雖通商當關資上將唇亡恐齒寒閩安

孰保障此詩可謂深曉形勝

宜黃陳少香先生近刻春雨樓近詩

卽鶴汀漁隱三集

其詩境老而

益壯集中聞粵西警八首極爲沈痛讀者心骨生悲詩云
無端殺氣動蠻天十萬沙蟲事可憐西粵山高隣象郡南
荒秋老黯狼烟居閑運甓思陶侃歲晚登樓感仲宣猶是
聖朝全盛日么魔應見靖窮邊羽書飛騎越關津小醜跳
梁豈易馴桂海可無驅鱷術柳州空有捕蛇人諸公袞袞
猶臺閣大地茫茫逼棘榛擊筑悲歌無限感蕭疎霜鬢滯
風塵淚灑琴堂日影昏那堪妖鳥啄城門幾人自信封侯
骨一死先酬養士恩碧血青燐虛郡邑赤眉黃霧滿鄉村
書生報國無餘憾七品官階且勿論

謂殉難諸大令

崑崙遺蹟溯

元宵宣撫奇勲說往朝八桂山川仍掌握一軍草木易瑰

銷枕柳壓洞妖狐肆箒綠谿士馬驕誰與至尊紆積慮

漢家新選霍嫖姚

謂新簡兩提帥

胡床坐嘯倚南樓風雅平生藻

鑑收一自帆頭朱雀潰空令海上白龍愁將軍早已傳三

箭

時甫平楚匪

都督依然領八州目極塞雲開府地滿庭榕葉

暮鴉秋

謂鄭夢白中丞

海內聲名仰斗山

詔書珍重紫泥頒晉

公節鉞臨淮蔡漢相旌旗掃洞蠻許國忠貞心共白髮時

憔悴鬢先斑功成未必容身退何日林泉再教關

謂林少

官保在籍屢辱枉過

英雄髀肉氣難平老馬嘶風聽鼓聲赤手可容

支大厦白頭何望請長纓哀笳斷角山邊戍犵鳥蠻花塞

上征慷慨渡江還擊楫更思拔劍斫鯢鯨羣公努力報

清時地角天涯事可知厝火豈能謀社稷量沙猶可固城

池樓頭昨夜聞吹笛局外何人看弈棋我是山林逃遁叟

懷空擬杜陵詩

余家住福州省垣南後街後街二字鄉先輩詩皆未見近讀
陳少香先生春雨樓集試燈日東雪樵頷聯云隔巷簾櫳
橫笛夜後街風月買燈天自注云時寓後街燈市甚近今
按後街二字一經詩家拈出此後可爲典故

綠荷爲文文山丞相婢名見帝京景物畧余友王偉甫孝廉
咏文信國琴云如意敲殘喚奈何西臺墮髮一悲歌故人
魂化爲朱鳥舊婢心傷話綠荷古調蒼涼愁戰伐哀絲激
烈壯山河細將玉軫摩抄遍淒絕孤臣碧血多詩亦悲壯
余嘗輯宋人句爲家中楹帖云願留餘巧還天地學積陰功
遣子孫嘉興錢文端公視學畿輔時爲行廨劄記中有一
條云大凡人家興旺每一二世必衰或遲一二世又興者

亦有之總未有赫奕不衰者譬諸花木果實連年燦爛稠繁間一二年必稀俗名歇枝蓋亦盛衰循環之道也孟子云君子之澤五世而斬人家子弟常須自思身當斬澤之時何可無培養之功如臨深淵如履薄冰念念積累事事積累一世培養世世培養自然連綿不斷續箕裘而振家聲亦所謂君子存之者也

福州陳恭甫先生絳附草堂詩馳騁才華驅役典籍音調迫近盛唐而不必依傍摹擬獨能拔出林派之外詠史諸篇源出記室則又吐納六朝才人能事蓋無所不有者也七古七律已錄別卷其書李密傳後云逐鹿中原感廢興騎牛狂客竟憑陵三秦已遣歸劉季十策何曾納魏徵天下英雄空虎視山東部將沮龍騰如何北面稱降虜比似田

橫恨不勝聲調激越氣魄雄厚平揖空同可無愧色
作詩隸事而有神韻最難陳卧子對吳梅村自誦其近作得
意之句云禁苑起山名萬歲複宮新戲號千秋力則有之
巧則未也王阮亭襄陽懷古云豈有醜人羊叔子更無梅
過竇連波巧則有之趣則未也不如恭甫先生日邊名士
多於鯽江上歸心不爲鱸其風韻綿遠不可及

古文人里居皆可傳如周密之癸辛巷許渾之丁卯橋此類
不可枚舉趙煇憶山陽詩云家在枚臯舊宅邊每一吟諷
令人意遠唐黃滔福州人遷興安其故居今名黃巷恭甫
先生寄俞太守詩云使君坐嘯壺樓晚可憶山人巷姓黃
蓋先生所居卽滔之故里也見詩自註予記唐胡宿詩云
粉壁已沈題鳳字酒壚猶記姓黃人姓黃二字亦不苟先

生讀書多無一字無來歷皆類此

恭甫先生橘枝辭七首劉夢得之遺音記其一云洪江江水
平如油洪江女兒不解愁一夜溪船載春去無端明月夢
蘇州不着一字儘得風流與汪鈍翁之郎行時節橘花零
南風吹來香滿庭今年橘實大如斗勸郎莫羨楚江萍風
趣神韻可相伯仲

嘉興龐紉芳

蕙孃

諸生吳閩璋

錫

室也著有睡香閣集其瑣

窻斷句骨秀神清如花中蘭蕙迥殊凡艷沈歸愚先生兒
時嘗喜誦之其詩云冷落郊原拜掃遲東風細雨禁烟時
深閨也解傳風土不戴花枝戴柳枝九十春光半已過氣
清天朗惠風多來朝恰遇湔裙節摹幅蘭亭記永和夫婿
長貧老歲華生憎名字滿天涯席門却有閒車馬自拔金

釵付酒家嫩涼梧竹傍簷低花徑香沾雨後泥斜印簾痕
驚午夢碧窓深綠乳鴉啼春雨春寒過落梅連宵不禁晚
風催閒園收拾殘花片供得兒曹醜面來

敝帚齋詩集七卷續集三卷光澤何金門茂才

長解

著茂才

慧擅髻齡詞工綺歲平日論詩瓣香竹垞兼采心餘其詩
五七古出入朱蔣二家七律學唐溫麗而幾於醇焉其七
言長短古驅愁魔一篇學劉青田二鬼篇以篇長未錄五
言古文章云文章貴生氣變化不可測奈何羣兒愚迂拘
守成格腔調日以多性情日以塞我讀古人詩大都少依
傍脫穎鋒彌鋸破空神愈王莊周夢蝴蝶栩栩而蘧蘧列
子御風行其妙當何如七言古春日遊熙春山云鞭絲帽
影城西路雙柑斗酒聽鷓鴣處聞道熙春春可憐酒人從此

尋春去郭外青山山外樓春溪水暖碧油油憑欄欲縱登
臨日如雪楊花惹暮愁五言律買婢示內云侍兒新買得
舊是益州民舉目無親戚相憐望主人事繁聊復懶身賤
只緣貧彼亦猶人子誰堪夏楚頻回龍閣晚望云入寺日
沈閣出門雲滿衣數峯臨水見孤雁背人飛客已自厓返
僧從何處歸殷勤謝明月相送到柴扉七言律鄴都懷古
云三年轉戰棘奴摧趙國山河手挈回歷數荒唐誇玉璽
葫蘆依樣築銅臺先幾已見羣羊至妖夢偏逢石虎來太
息佳兒無遠畧吳王白首不勝哀乃兄如虎父如龍殺豸
登天魏祚終跋扈竟摧青雀子荒淫又到白鳧翁文襄家
法羞帷薄高末歌聲滿鄴中剩有六渾遺跡在韓陵山下
夕陽紅漫興云前山後山雲滿村幽人獨吟楓樹根豆棚

瓜架雨初歇蟹舍漁莊秋到門靜有雞蟲分得失閒聽燕
蝠辨晨昏詩篇漫興無佳句斟酌田家老瓦盆自題詩稿
云結習三生未易忘自從舞象癡辭章批風抹月精神費
帚碧裁紅對屬忙別調羞隨名士派悲歌頗類楚人狂性
靈書卷難兼兩私熟長蘆一瓣香朱竹垞先生七絕嘗學唐人
閨體製竹枝詞以爲儂郎曲每首有儂郎字名曰儂郎曲
效其體七首云一處相思兩處同憑欄無語怨東風郎心
似水留難住儂貌如花空自紅記得清明笑語譁郎將儂
貌比桐花阿郎却似桐花鳳飛去飛來不戀家阿儂生小
綠楊橋山妬蛾眉柳妬腰郎意不如前日好妾顏猶似去
時嬌十五盈盈恰破瓜可憐虛度好年華儂身空佩宜男
草郎處原多解語花宵分寂寞感雙蛾背倚蘭缸喚奈何

郎似春風輕薄甚儂如新月缺時多青天碧海淚闌干芳
信通郎也自難儂貌真如殘菊瘦儂心恰似落梅酸妾意
原期白首同郎心只愛野花濃縱教花貌還如妾未必郎
心也似儂春閨怨寄吳徵君云偏是閒愁不易刪愁城曲
曲鎖情關蕭郎若問愁多少忙得人無半刻閒竹枝詞五
首云南壠北壠春水生東山西山鳩婦鳴不妨連日風和
兩雨散風收還有晴瓜皮艇子載嬋娟花面了頭唱采蓮
忘却藕須知藕斷有絲連良人作客向姑蘇贈妾香囊繫
繡襦新買都梁兼艾蒨此時還憶故香無雕梁燕子年年
歸藁砧一去歸何時小姑喚儂賭雙陸袖手尋思無有甚
蝴蝶雙雙花下飛鴉鵲兩兩水邊嬉簷端嬉子朝朝網箔
下春蠶日日絲金門詩藁刊板已不戒於火此從舊存本

錄出忘却藕上落葉
為飛蓮四字

余極喜李義山詩非愛其用事繁縟蓋其詩外有詩寓意深而託興遠其隱奧幽艷於詩家別開一洞天非時賢所能摸索也雲間姚平山培謙箋註頗稱善本蓋能知作者之

意於言外可謂義山功臣

作詩最忌詩名太甚每見詩家名甚之後多率意為之朱竹垞袁簡齋應鴻詞科後詩格一變而簡齋尤甚學者當深戒之

天上人間知音難遇故昔人謂座客三千要求半個有心人絕少李義山釣天詩云上帝釣天會眾靈昔人因夢到青冥伶倫吹裂孤生竹却為知音不得聽卽此意也又初食筍呈座中云嫩籜香苞初出林於陵論價重如金皇都陸

海應無數

漢書秦地有樗杜竹
林南山植拓號陸海

忍剪凌雲一寸心讀二詩

令我作元酒太羹之想

天下多愛才慕色之人而真能愛才慕色者實無其人譬之於花愛花者多而可稱花之知己者則少焉義山花下醉詩云尋芳不覺醉流霞倚樹沉眠日已斜客散酒醒深夜後更持紅燭賞殘花此方是愛花極致能從寂寞中識之也天下愛才慕色者果能如是耶

國初萊陽宋荔裳安雅堂詩風骨渾雄氣韻深厚其七言古尤爲沈鬱直接少陵爲同時諸老之冠甌北詩話謂荔裳全學晚唐無深厚之力蟬蛸撼樹真瞽說也光澤何金門茂才論詩云荔裳聲調匹崆峒真是泱泱大國風不似晚唐家數小雌黃休信趙雲菘按金門以荔裳比李崆峒尙

非其匹余謂荔裳與崆峒詩有骨肉之分上下牀之別耳

七言古學長慶體而出以博麗本朝首推梅郵高密單芥舟

明經可惠

亦爲此體乃以少陵之骨運元白之詞遂獨步

千古道光辛卯亡友張亨甫孝廉手錄芥舟白羊山人詩

一卷以爲帳秘余讀之而未鈔也甲辰應禮部試從都下

得讀芥舟初刻全稿其詩風骨峻深蹊徑獨闢一意孤行

不假雕飾今錄其長篇數作於此思公子爲右民作云

民喪作五言以哭之重題七絕句八章闕數日復作思公

子一篇詩人長言之不足之意云爾詩近白氏長慶體蓋

右民之所好者又以右民素能受余盡言篇中哀而怨絕

少思諱不敢以曲筆對吾亡友於地下諒不謂謗也非爲

生者用寫余思焉 援楚辭以名之 百無一能餘白頭恥向侯門彈劍續昔

者吾友傅公子常伏歌行第一流公子姓名冷人齒今年

遠客貴陽死寫詩和淚作哀辭六千里外呼不起公子公

子落魄人家世清白吏子孫最少年多不羈行名花過眼
傾金尊公子巷南吾巷北十年相顧不相識偶然一語磁
引針吐出心肝矢不惜此時公子囊屢空飯後檳榔喫惱
儂丈夫不死蓬蒿下拔劍出門西復東小冠子無珠履跋
葛衣斷碎吟秋葉和得陶令乞食詩臨餘顏公乞米帖鶴
再南飛與往還遍遊柳子未遊山紫髯公孫修世講綠水
紅蓮十四年千金一擲十日飲中年絲竹風流甚珠娘拜
乞竹枝歌吳娃拋賸纏頭錦夢裏閩人背面啼盞無斗儲
桁無衣阮家子弟多才雋阿咸客死兄苦飢歸來料理頗
草草開年重上嶺南道不把薦章謁外臺自謂萬里遊自
好我謂公子聽一言言所難言最苦艱公子掉頭不肯住
三年爲期歸田園却憶南朝徐孝穆垂老送客多根觸吾

衰已甚惜分祿爲誦白馬君來哭昭昭白日西南馳爲公
子悲亦自悲人生難得惟知已詩篇有作當告誰太白初
升北斗落樂府三章感飄泊廿年前爲公子吟謂青邱似
爲我作思公子爲吟三章悲公子爲下數行掬將無限傷
心淚憑仗風吹到夜郎竹王祠下叩銅鼓風車雲馬神靈
雨哀艷神絃續續彈公子公子奈何許張燈曲云此事聞
不能作之已後蓋由十餘年前雅不欲作之也香山格調
出以少陵風骨河朔之詞義貞剛江左之官商發越兼之
清綺有餘氣質仍在也讀之而戰然喜愕然驚惘然悲冷
然悟者吾許其可與言詩若綺語誨淫抑吾之過夫雖然
長恨歌琵琶行即不敢比視司空表聖之馮燕歌吳梅村
之圓圓曲聽女道士下玉京彈琴何多讓焉錢唐袁簡齋
詩貴綠情綺靡已甚縱其才情所如不復求之古人風骨
遠祖香山近宗梅村七古長篇尤用其體學者化之乃爲
詩厄然則此詩終於不作亦無不可者嘉慶庚午夏六月
十有三日可惠上元張燈奪月彩古時姮娥應好在手攀
自題張燈曲後

桂樹看人間春燈萬點春如海衣香人影何紛紛車如流水馬游龍百戲魚龍爭變幻千家樓閣高玲瓏高樓有女桂爲字碧玉芳年嬌春思身是仙人萼綠華誰爲漢代金吾婿平原公子果盈箱樓頭車中遙相望美人手擲金橘子天外飛來赤鳳凰笑乞風月作盟主世世生吾與汝爲郎膝上宛轉歌爲郎掌上驚鴻舞定情香火金博爐銀缸錦帳垂流蘇卻笑秘辛疎領畧不信周昉能畫圖並蒂芙蓉春睡足枕痕一線暈紅玉玉鏡臺照雙影來瞳人點漆眉山綠暮爲行雨朝行雲朝朝口暮暮態更新誰謂名香疑賈午忍教恨血同阿甄嫁衣焚罷饒激烈熟知生離輸死別從容再拜無愧辭士死爲知女爲悅南山可移志不移重重密誓兩心知不得跨鳳隨蕭史肯再將身逐子

皮阿郎題贈香羅帕送我悠悠卽長夜可惜風流放誕名
留與千秋作談話玉貌如生喚奈何生生死死爲情多太
息王京仍絕豔難邀崔護活青娥返魂無術闔棺後泰山
鴻毛復何有柩出尙有神君風珠碎頓白阿爺首深深埋
玉青楓林漆燈黯黯月沉沉獨有阿郎呼負負澆酒墳頭
夜夜心墳頭春草秋聲起猶似喁喁綠窗裏生時手刺百
花衣化出愁紅與怨紫留香無夢哭吞聲點點青燐作送
迎六州有鐵鑄不得一錯真教誤一生自來尤物傾家國
男有奇才女奇色不有福德何以堪福倚禍伏安可測無
復豪華舊卓家壞道陰房啼鬼車至今花市燈如晝共惜
當年第一花有客省識春風面持杯相勸寫哀怨與譜上
元張燈詩碧落黃泉君不見上元張燈自年年依舊姮娥

到曉眠爲問情癡兒女子紫玉韓童總化煙

玉筍堂詩藁四卷晉安樂府一卷閩縣蔣少陶司馬銘著司馬幼時讀書穎悟留心政治及官安徽雅有善政凡有關於民瘼者無不力争於大府前同寮咸以強項目之友人江子衡贈詩有折腰未肯迎鄉里強項多難事上游之句司馬視民如子愛惜士類所至有聲徽人士欲以生祠祀之庚戌秋家文忠公少穆官傅招余拜西湖李忠定公祠司馬在焉余始獲交司馬蓋由文忠識之也邇者省垣烏石山爲英夷所穴洋煙遍地司馬關心桑梓怫然隱憂每與余談及時務幾於唾壺擊碎詩出性真不假雕琢自然入古其宰潁上東孫曉園大令詩云無米難炊巧婦厨頻年塵甑笑萊蕪官窮益信民生絀歲歉還慙吏治粗野市

罷虛尤責稅

時牙帖稅積欠甚多

低田在水尚徵租要知剗肉醫瘡

苦好爲流民細繪圖平平告語本無奇此地人情我盡知

戶解急公猶古處官能不擾便時宜

舊宰王君歷任三十載前志稱其居官不

擾

竊鈎莫信民皆盜穿屋須防訟有師

邑有誣良惡習但得雨風

慰箕畢坐聽萬井口成碑讀二詩可以知道愛在民矣司

馬樂府極似白樂天五言古逸秀有王孟風味其銅陵十

六詠云吾道有淵源觀海難爲水千秋兩異人滄波共終

始安得乘長風水擊三千里

南溟書院

造化割神腴製此欲落

石試之震撼間屹然萬夫敵獨有三忠臣丹心交激射壁

星靈區蓄精髓空翠凝不流精氣難久閱噴薄蒼巖幽一

酌醒心骨浩然天地秋

虎墟滴玉

千斤入咽喉延頸吸大地幻

此詭譎形天公亦兒戲不有鸞籠生誰能捆載至

鸞頭粒

米浮太倉九州爲虛器蒼茫雙眼中萬慮皆撥置尺幅擁

奇觀此中有文字

勝天池景

神工施巨斧萬竅剗玲瓏華館一

以闢千秋破鴻濛願言借片席坐閱扶桑東

石室

神仙何

渺茫乃作此狡獪巨蹠落人寰真身出天外有跡無跡間

此意憑誰會

蓬萊仙跡

海國大宮商一洗箏笛耳萬暑清若秋

噶噶嘆朝市我欲駕扁舟滄波趁漁子

沙浦漁歌

洪濤湧大江

碎訇響萬鼓紅潮相吞吐震耀無終古惜哉魯陽戈不返

趙家土

雷峯旭日

削成根虛無一柱亘天半萬古凜孤標及巔

無畔岸再拜石齋公卿雲麗霄漢

蘇天

九十九芙蓉浮空

擁遙翠間氣之所鍾神仙亦富貴君看蔡相家近在浴丹

地

梁嶽

威鳳高其翔何年浮滄海展翅向丹霄散作空青

采羨爾嶼中人終朝飲翠靄

列嶼高齋

有欲觀其竅無欲觀其

妙入此室中來不知妙與竅清泉洗我心風雷恍相召

龍潭

石插漢架瑶屠砥此東流柱遙看獅子超萬派洪濤注懸

知五虎門瑟縮神色懼

嶺嶼
瑤屠

更有閩安十景風骨逸秀落

落入古與銅陵十六詠相伯仲云

成寅
鄉榜

明洪武中閩中守某妻宋氏謫戍永昌賦詩題郵亭壁嘉靖十六年御史陰汝登祠而祀之御史黃中刻詩於石今讀其詩詞意率直音節悲涼有古樂府之風惜石遠在邊徼流傳絕少故朱竹垞明詩綜遺之曲阜桂未谷大令錄於札樸乃賴以傳詩云郵亭咫尺堪投宿手握親姑憩茅屋抱薪就地旋鋪攤支頤相向吞聲哭旁人問我是何方俛首哀哀訴衷曲妾家祖居金華府祖父曾爲上千戶舉艘蓮粟大都回金牌勅賜雙飛虎弟兄晦迹隱山林甘學崇

文不崇武方今玉堂宋學士亦與妾家同一譜笄年嫁向
衢州城夫婿好學明詩經離騷子集遍搜覽意欲出仕蘇
蒼生前年郡邑忽交辟辭親笑傲趨神京萬言長笑獻聞
闔馳書歸報泥金名承恩拜除閩州守飄然畫舫西南行
到官搜賢訪遺老要把姦頑盡除掃日則升堂剖公務夜
則挑燈理文藁守廉不使纖塵污執法應教僚佐怒府推
獲罪苦相攀察院來提誰與訴臨行囊橐無錙銖惟有舊
日將去書牽衣父老泣相送遮留赤子爭號呼彼時徵贖
動盈萬妾夫自料無從辨竟晨拷打不成招暗屬家人莫
送飯嗟乎餓死囹圄中旗軍原籍來鈔封當時指望耀門
戶豈期一旦翻成空親隣憐妾貧如洗歛錢殷勤餽行李
伶仃三日到京師奉旨邊方戍金齒阿弟遠餞龍江邊臨

歧抱頭哭向天姊南弟北兩相慟別來再會知何年開船
未幾子病倒求醫問卜皆難保武昌城外埜坡前白骨誰
隣葬青草初然有子相依傍身安且不憂家蕩而今子死
姑年高縱到雲南有誰望八月官船渡常德促裝登程戒
行色空林日暮鷓鴣啼聲聲叫道行不得上山險如登天
梯百戶發放來取齊雨晴泥滑把姑手一步一仆身沾泥
晚山走向營中宿情思昏昏倦無力五更睡重起身遲飯
還未熟旗頭遍翻思昔日深閨內遠行不出中門外融融
日影上欄杆花落庭前鳥聲碎寶髻斜簪金鳳翹翠雲蟬
鬢蛾眉嬌繡牀新刺雙蝴蝶久坐尙覺春風饒誰知今日
夫亡後天末遐荒要親走半途日午始云飢欲丐奉姑羞
舉口同來一婦天台人情懷薄似秋空雲喪夫未經二十

日畫眉重嫁鹽商君血色紅裙繡羅襖騎驢遠涉長安道
穩坐不知行路難揚鞭笑指青山小取歡但感新人心那
管舊夫恩愛深吁嗟風俗日頹敗綱常廢盡趨黃金妾心
汪汪淡如水甯受飢寒不受恥幾回欲葬江魚腹姑存未
敢先求死前途姑身少康健辛苦奉姑終不怨姑亡妾亦
隨姑亡地下何慙見夫面說到傷心淚如雨咽咽低頭不
能語道旁聞者總悽酸隔岸暗啼叫何許唐初四傑及長
慶諸家好爲此體試問有此音節否

建甯吳厚園茂才

淳

閱福建通志詩云方志志一邦其例異

國史記載宜周詳與史相表裏繁簡貴得中網羅入編紀
福建通志遺漏失厥指所藉廣搜羅參酌古今耳要領
尚該括詳明在條理按方志與國史相爲表裏義例不可

不嚴紀述不可不備蓋國史總天下之圖書紀載宜約而
賅方志錄一邦之故實紀載宜周而要道光己丑重修新
志閩縣陳恭甫先生總其事至甲午書成先生已歸道山
未幾鄉先生某某共十人有以重纂通志稿之不善者五
條見於公牘一曰儒林混入二曰孝義濫收三曰藝文無
志四曰道學無傳五曰山川太繁由是刪改付之篋家而
刊費尙在巨室良可嘆也志稿爲草創之書盡善與否未
敢信也今惟就其所駁諸條辨之按宋史卬立道學列傳
別於儒林其意欲以尊崇周張程朱諸子不知周禮言儒
以道得民禮記儒行道德問學無不并包楊子言通天地
人曰儒荀子言有雅儒有大儒且以周公仲尼爲大儒後
賢又何加焉道外無儒儒外無道欲示尊崇轉生歧異徒

貽學者口實矣謹案

國朝

欽定續通志列傳以宋

史道學併入儒林今敬遵其例而以朱子生平著述類叙
篇目於傳後此用三國志傳諸葛忠武侯之法儒林傳中
仍稱叙紫陽師弟洄溯淵源使知一脈師承不墜宗旨則
所以推尊者甚至別異於諸儒者亦甚明矣孝義一門皆
由請 旌探入近今之世鄉賢名宦已多濫廁詎獨孝義
公伯寮曾配廟庭杜征南嘗坐兩廡吾道未衰自有定論
按舊志藝文多登詩賦殊乖史體今新纂志用建康志三
山志之例題咏間附山川其文擇有關政俗者散附各門
而以諸家所撰四部書入經籍志用漢書藝文志例每書
各標大題而綴注其人之姓氏爵里及著述大旨以存梗
概此爲較善舊志山川勵載名勝今新纂志改曰形勝重

其要害詳其扼險攷其支流畧其吟眺非好繁也福建雍正乾隆通續兩志不尙體要考訂太疏舛譌遺漏非止一端以建置沿革言之唐書開元二十二年置福建經畧使而舊志云大祿六年罷節度使置都團練觀察處置使於是始名福州曰福建不知福建之名本合福州建州二者而稱非改福州爲福建且亦不始於大祿元史本紀百官志地理志言置福建行中書省於時事前後互歧與元致和志不同見八閩通志而舊志皆不能辨是何異李賢志一統誤臨洵於漢名張欽志大同昧新興於魏建郡縣混淆廢興莫考其失一也以山川言之興化旣列天馬山又列塔山不知天馬之名易自昉朱損巖御史天馬山房遺稿有塔山志天馬山賦可攷也福州新港僅載給事謝贊六官

疏不知新港之說駁於明董見龍侍郎崇相集有開新港
議辨新港實錄議可攷也而舊志狃於目前不揣本而齊
末是何異柏人俗呼莫諳確磬之讀仲默作注誤引砢磬
之谿貽笑其敖難尋簡絜其失二也以關隘言之崇安八
關分水溫林岑陽桐木最衝而楓嶺則浙閩戍守之界也
松溪之新窰竹口石門諸隘爲控禦要地而梓亭砦則四
縣之支也尤溪之牢城關石湖寨永安之黃楊蜂口諸隘
前代皆嘗結砦禦寇者也長汀九隘黃蜂古城尤險而甯
化南平砦長汀木馬竹篙二隘上杭九十九段河頭隘皆
戍守要地也歸化東鐵嶺西五通南天嶺北下坊縣之襟
要而東南之紫雲臺東北之長平西南之半隔西北之永
口皆屬鑰之險也永定之隘二十有六岐嶺博皮竹箭尤

險而三層嶺則盜賊出沒之區也邵武光澤杉嶺關而外
有鐵牛雲際火燒三關而建甯之西安鎮羅漢砦永平砦
亦其要也永春之砦二十有七蝴蝶金雞等砦爲險隘二
十有二任田高平爲衝而安溪之打鼓桃舟德化之湯嶺
焦嶺亦前明盜賊之鄉也龍溪數十堡以西山爲險龍巖
之倒嶺三峯皆戍守之防而漳平之高礮以下六隘亦其
要也元明以來設兵屯戍不一而足故址可稽而舊志不
立關隘一門僅於兵制附見二三是則成都望陰平之道
誰信左擔峻阪詢邛崃之山孰諳九折形勢失攷阨塞奚
明其失三也以海防言之福州則五虎壺江广石梅花閩
安爲會城門戶小埕爲連江門戶北茭與定海爲唇齒海
壇與南日爲藩籬而連江之竹扈六漚鏡港七漚皆並海

之奧區也興化則吉蓼平海三江最衝文甲嵌頭青山次衝而莆禧湄洲皆軍屯之遊汎也泉州則金門廈門鎖鑰險要深滬福全峭守最切圍頭應援梧巽爲扼要而南平之石井洵潯運河二灣資守禦也惠安之獺窟崇武小岞黃崎峰尾沿海五城倚屏障也漳州鎮門港爲郡城之門戶福河堡爲諸港之要害懸鐘與灣對峙銅山以西門控扼而海澄之月港漳浦之鳧尾南靖之九龍皆防禦所重也福甯則三沙沙埕首衝泰興次之而流江爲烽火之犄角松山下澚爲水陸之分防官井爲盜賊之宿泊金城爲備禦之要區此其大概也而舊志不載海防續志始附兵制卷首雖有圖說未能賅備是則籌海圖編徒爲東閣之具方輿紀要何取載筆之勞島嶼茫如奸宄安輯其失四

也以水利言之蔡忠惠開河記南北岸泥面底深加城丈尺一一臚列趙忠定濬湖碑開之幾重板之幾片堰之高長湖之深廣皆有丈尺之數某寺看管巡舖屋幾所官地簿幾本其引水灌田之處各有禁約浦港闊深丈尺亦如之懷安之東湖五塘十三橋蔡端明樊紀有遺跡焉連江之東塘湖溉田四萬畝劉達鞠仲謀有廟祀焉閩縣之河浦百有七十六康山石浦石步頭諸浦象邨翁崎大孟上灣諸官塘爲大長樂湖塘陂堰百有四所嚴湖爲大晉江九十四埭煙浦爲大四十一塘七首爲大八十二陂清洋爲大而留公陂僕射塘故址猶可訪也興化木蘭陂以南洋水利爲大南洋水利以東山水則爲均外海石隄以林墩斗門爲固而涵寶多則涸水輕埭困多則害公巨明朱

損巖與吳太守書論之法詳也而舊志不能揭其要領析其規程是則劉天和之治河道無述於七十二泉單季隱之論水利可廢乎七十二漵灌漑所資奚由稽討其失五也以人物言之陳祥道傳以用之之字爲佑之林礪傳以豈獻之字爲豈獻楊億傳失叙與寇準協定大策及仁宗賜諡事文苑不載南靖張夔侯官孫學稼忠義不載孫士遴連邦琪黃翰伯林全春是則樂史之記卓異誤仲寶爲王儉之子皇甫之傳逸民關庾易與僧紹之名傳聞失實文獻無徵其失六也盧一誠萬祿八年進士而謂王陽明招之入社講學周之夔復社反戈之賊而謂其忤時棄官入人物傳是則象山昆弟強附考亭之淵源邢恕叛徒乃躋伊洛之弟子是非顛倒誣罔爲羞其失七也元至元七

年始行鄉試六年無科舉而續志乃有六年之狀元林濟孫至正二年陳祖仁及第十五年牛繼志及第三年十四年無試進士而續志乃有三年之進士林亨十四年之進士茅元八閩通志閩書科目無蔡開蔡闢而續志乃一列於淳熙八年一列於慶元五年是則徵斯文學可入龍門之傳梁四公記應增姚氏之編烏有憑虛皆成故實其失八也續志又以方畧爲屬張汝明之姓爲謝林概之字端甫爲端文惠安之鄭褒爲莆田興化之薛巒陳昭度爲仙遊以元之鄭曦爲宋邵武之何兌爲何充其於舊志人物強加區別取盈卷帙實則出入移掇徒滋糾紛至如陸塏陳如晦等傳一字不易何事更張一鄭所南也與鄭思肖再出一李宏也福州與興化並列一蘇欽也永春與仙遊

雙見一鄭公敏陳總龜也理學與文苑重出是則熊方漢表複載伏完之封劉胸唐書兩存朝晟之傳宋史之晁迺謝絳世系混淆南北史之劉昶蕭寶寅姓名重沓移張代孛架屋疊牀其失九也總之吾閩方志爲一省掌故所關諸先生生長桑梓之邦如有創解不妨出以共證何必形之公牘以致六載撰輯之功廢於一旦此何異操同室之戈而躡我軍之壘哉

射鷹樓詩話卷四

侯官林昌彝惠常輯

雲左山房詩鈔家文忠公少穆官傳著

嘉慶辛未進士

公詩氣體高

壯風格清華家丞庶子兼而有之塞外之作如寒月霜鴻
聞聲淚下其鄉鐘泉以開封守城先後記略見示因題其
後云狂瀾橫決趁汴城城中萬戶皆哭聲孤城障水城垂
傾危哉公以赤手擎是時在官同震驚民謂非公吾不生
撫部生公洞與情授公郡符安編氓公所自惟一誠死守
誓與陽侯爭肝膽披瀝通幽明億兆命重身家輕禦水難
於禦暴兵四圍激齧鋒莫撓城頭白日遊赤鯨麗諫夜聽
蛟龍鳴公親馨鼓喧軍鉦衣不解帶巡嚴更始焉拳茭刈
榛荆繼下博石聲旬旬連旬苦雨不肯晴上淋下潦溝澮

射鷹樓詩話

卷四

盈萬難之際彌專精焚香告天心自盟峭陂斜堰高崢嶸
逼走急溜開中泐秣伏秋汛及霜清寢食於城城可嬰口

渡民避水舟筏迎濟饑餉兼口粥錫全活老穉蘇鰥悞

帝命塞決頽水衡負薪我亦辭西征

徐謫塞外未行改命河上効力到

時奇險亦稍平見此巨浸猶怛怛是冬鳩工依定程河由

地中順軌行奈何羣議紛縱橫欲遷洛邑重經營咄哉此

論乘輿評三誥奚必同盤奭疏六條疏余恢闕讜言傾倒諸

公卿舊德先疇居永貞斯城仍恃衆志成汴民困久茲乃

亨躋公堂稱兕觥繡衣遷秩豈足爲公榮重是循良千載

垂令名室人賦述懷紀事七古二章以手稿寄余喜成四

律云廿年鳧雁鎮相依萬里鷺鷥悵獨飛生別勝如歸馬

革壯遊奚肯泣牛衣祗憐瘦骨支床久想對殘脂覽鏡稀

忽得詩筒狂失喜珠璣認是手親揮憶昨薑芽曲未伸每

拈筠管苦吟顰玉鉤出匣能重展

鈎弋夫人臥病六年右手拳曲忽於掌中搜出

玉鈎手乃復展

金鑿宣毫似有神蘇蕙迴文常觸緒采鸞寫韻不

愁貧述懷紀事無雕飾肺腑傾來字字真聞向帷堂課女

徒一庭絃誦足清娛但傾舊醖尊頻注便許行吟杖不扶

間有藥酒服之遂可試步宜勿斷也

索和婦能諧競病弄嬌孫亦識之無有

時對弈楸枰展瓜葛休嫌一着輸

常與兒婦女兒對弈故戲及之

白頭豈

復望還童却病仍資攝衛功老我難辭身集蓼憶卿如見

首飛篷近聞詞伯多遷秩且與兒郎作寓公

時京中方大考翰詹舟兒

未與農圃耦耕他日願

來詩有他日歸來事農圃之句

不妨庶下賃梁鴻春

屬賃居青門

國家之所賴乎臣者有三曰將臣曰相臣曰督撫臣余友邵

陽魏默深司馬嘗讀國史館列傳君不見十六章

將臣六章相臣

五章督撫臣五章

可謂善於比例詩亦雄沿流轉爲古樂府之遺

詩云君不見海關一戰奔蚩尤

唐親

荆湖一戰陳豨忠

安親

王

烏闌布遁走虜酋

王裕親

執戮執鉞冕執劉執匪榮散畢

召周從龍從虎風雲秋英颯颯長城下禮烈墓前嘶戰

馬

國初將兵諸王

君不見朔風高天馬號追兵夜至天驕逃杭愛

山坤河道狹途殺賊如殺草沙漠閒氣人中龍北斗回望

哥舒弓

額餅趙勇親王

君不見王家父子闕虓虎

王進寶

趙家父子

如周處

趙良棟

深入百戰不回頭手挈川滇歸

聖主整頓

乾坤

武那見萋蒿作干櫓岳家父子最後雄雪夜走禽青

海戎

并鍾琪之父岳昇龍亦名將

君不見長鯨磨戰泐水立夜颶震天

轟霹靂澎湖蕩瀾蛟官戾劇賊飛將兩効敵那數昆陽與

赤壁溟嶠天吳日橫吸安得六丁重下擊

靖海侯施訓

君不見

伊犁河巴里坤轉戰萬里回孤軍黑水營葉城畔四百騎
破賊三萬風聲雪聲甲馬聲援兵夜半渾河營飲馬昆侖

銘月窟漢家天兵信雷電萬夫特萬鈞重未年惟有海超

勇

武毅謀勇公兆惠也兼及超勇公海蘭察

君不見猊猊楚蜀妖氛惡節制如

山額經略血戰西川斬京觀望旗爭避德參贊百戰天生

戡難材賊平身死屯雲雷東海長鯨作人立神努射潮安

在哉 廟堂此日思鞞鼓時危慘淡天風來

威勇侯額勒登保繼勇侯

德倫泰右君不見萇宏碧血東周浣解謝諸侯彌尾大家

令朝衣赴東市馳詔何曾灑兵止萇彘甯必命世才漢周

須要尊風雷直壯曲老星昭同名其爲賊氣乃摧康熙不

□翻撤藩案莫洛明珠米思翰肯爲武夷罪姬旦從來濟

國猶濟川中流風颺楫須專令人慷慨康熙年君不見鄂
公銳闢西南氏欲令夜郎叩笮游暉熙欲合幽谷赤子蒙
曦非常之事驚羣兒英顏殺色無難難右張右哈供頤麾
渡瀘五月觸瘴非穴搏木刊山谷崎功成大相書常旗一
朝銅鼓五溪西諸軍觀望稽合圍中山篋滿揚南箕跋前
鼙後功幾墮任度惟斷平淮夷魚水之朝猶險巖創始圖
成自古唏何怪模稜甘伏雌擇地而蹈戒隴坳步不敢
行山標君不見傅公誓軍金川震屢 詔班師不奉 命
議功議能議貴親訥張竟殉三軍令伊犁議起憂西顧舉
朝贊決惟一度力排羣疑擴漢疆 廟堂戰勝憑疏附商
必應官桴應鼓從古風雲扈龍虎姚崇若在賊早平幾時
聞氣嵩嶽生君不見金川一夕猿鶴驚一軍獨整阿文成

百戰歸來相明主甯知相業超常武黃河改道竟東趨名
糧百萬籌天府王商正色匈奴憚欽若不敢侮王旦天生
方召佐宣王百世猶興微管歎君不見天廩天縱 乾

隆聖漢相獨重劉文正邊才不足相才足汲黯宋璟嵩華
峻進退百吏無私門造次陳謀必堯舜申公亦是瑚璉器

尙少溫公剛大氣何況衣鉢傳中庸并讓禹光經術貴右

臣五君不見黃河決汴自勝朝國初卅載鼉鼉驕百川手

障回狂濤賴有伯益逢唐堯入疏前後如沃焦中河創闢

通千艘當其未就羣詠謠尾翹羽脩音曉曉賈魯被議印

川投自古駿烈無逍遙再躡再奮被衆撓戰謗戰勝東海

潮魚龍歲游汴泗郊黃流幾作鍋金銷河底日隆隄日高

黃河果是上天濤新文襄耆君不見八閩發難浙東靡提

督頓足將軍癭長城賴有書生李疾扼常山衝突壓蚩尤
壘左提印右提劍賊兵聘胎滿兵歎斷餉填壕夜搆堅竟
走猓獠完浙岸擇帥先擇節度使從古長城恃屏翰天吳
跋浪鯨崔嵬浙民再望長城來

李文襄督浙江也

君不見燕薊建

都仰東南提封千里惟潦乾虞徐汪左徒咨歎奏功惟有

朱高安撫晉督冀疏導殫四河分釀四局完天津雄霸禾

凡芘歲收百萬裨民官翻疑冀北成江南畿民不頌朱高

安若非聖主賢藩翰端南漕嫁禍北人寒早見鹽鐵攻桓

寬

朱文端伯怡賢親王治直隸水利也

君不見八旗圈田徧三輔生聚承平

百萬戶又不見邊外上都千里沃插漢故疆供坳牧人滿

上滿兩堪患何不移人墾土兩得算賈生籌漢旋乾坤奏

疏我欽文定孫開平興和萬頃屯徙實八旗兼漢軍三冬

射獵三時勤三邊拱衛皇畿尊有容撫掌笑脫幘此是漢

唐徙民術今日鷓鴣行不得孫文定智而謙君不見南漕

歲歲三百萬漕費倍之至無算銀價歲高費增半民除抗

租抗賦無飽啗吏雖橫征猶暇羹丁艱橫索糜不盈惟肥

倉胥與聞兵衣垢必澣絃必徹天運有旋道有捷何必內

河受要挾英公海運陶公節萬艘溟渤如褰涉官民歌舞

海商悅只少未飽倉胥篋海運不舉海防多水犀樓船方

荷戈小東大東當若何陶文毅撫江蘇行海運也相認英公主其議右督撫臣五章

黃海山人詩鈔桐城張辛田大令用稿著大令髫齡卽能詩

爲其同里姚姬傳先生所知及貢成均嘉慶癸酉副榜名噪都下

儀親王慕其詩名延訂宜園全集爲梓辛田試帖會以銓

選來閩補詔安離尹大府重其才兩派通志局監修爲家

文忠公及陳恭甫高雨農諸先生所激賞嗣升同安同安
治苦難大令勞於鞅掌以泉州府紳士與知府互訐因人
被累罷官而大令天懷灑落日以詩詞自娛其爲詩高華
典贍不作牢愁鬱抑之音其辛丑夏從軍泉厦六閱月月
夜對菊感時書事云巖疆十萬擁貔貅戎馬書生學運籌
時事艱難花濺淚光陰迅速月當頭淮南正繞思親夢海
上誰紓報 國憂陶令欲歸歸不得年來深負故園秋題
柯易堂同年鷺門啖蕉圖云風火輪船鷺島蟠攬槍星繞
客星寒蕉花未信能延命竹葉何辜使去官易堂爲蜚語
所中以嗜酒
被劫入險身同豺虎近易堂在厦門被英
夷執去十日始還放頭指作犬羊看
吞毡齧雪尋常事爭及先生處萬難蠟丸密計遞軍門妙
合機宜孰與論兵果銜校來問道賊方設樂宴中元樓船

一炬鯨波沸鐵騎千重兔窟掀可惜深宵書未達空將往

事羨昆崙罵賊能將大義伸檄文飛舞字精神地危自恨

無官守母老天留不死身失劍膺攜衰病僕失去打虎槍

贈也義世金城相收琴如撫子遺民出險後諸舊當從茲

從不去賊義之領略三蕉趣用興語繪出紅蓮幕裏人皆與制軍險壇十載

共遊翺防海從君問六韜東粵創深纔退舍西甌圍急又

徵牢喜開臺北擒封豕余表兄姚石甫觀察奏臺灣盜遣

安南截巨鼉見海國饑溺胥教登衽席會看籌筆荷榮褒

大令目擊時事隱然心傷嘗作醬詩一首傳誦士林其詩

云雷聲未動早杯量急作真同急就章作豆醬惡聞雷此

衡休許佞人呈鹿尾唐元宗時曾有定從夷地貢魚腸武

帝逐夷至海中聞土中香和羹漫道糊塗好覆甌休嗤著

得魚腸醬法名爲鱈鯨

作忙耽效市廛營貨殖賣醬喻侈酸鹹世味已深嘗數詩

可當詩史讀

江都焦里堂孝廉

循

論詩云詩之難同於文而其體則異眼

前之景意中之情以聲韻形容之遂若人人所不能道而實人人所共知吾不計其為三百篇為漢魏為初盛中晚為西崑為江西為四靈為七子惟本其志以為詩不剿襲不堆垛皆可以陳風而論世若無性情無景物以交遊聲氣供其諂諛為攀附之緣吾無取乎爾也

北湖志

人心風俗之壞由於賭博賭博之害莫甚於花會花會之設率眾蝟集聚嘯山場不下千人壓會之人不用親至其所口口惟着人走信通風往返奔命直達人家閭閻士農工商悉棄其業而甘受其愚迨至虧輸累次往往輕生自盡

或有爲勢所迫男則爲盜女則爲娼深可浩歎守土者知其流弊屢經嚴禁而奸徒尙不斂迹此奚以故大抵開設花會罔利旣多不惜使費上下衙門兵役人等爲之耳目官有舉動彼已週知故率虛拏而不能實捕串通勾結日滋日盛不知伊於胡底今欲禁之則惟先行出示卽著每鄉鄉耆地保率衆擒拏一村有匪徒聚衆掛巴則一村共舉械鳴鑼逐之各村皆然使無容身之處則其局不散而自散矣匪徒掛巴之處雖在高山水面未有不屬鄉村如有任其聚衆此卽與其勾通擒其鄉長燬其牆屋有心民瘼者依此法行之去稗莠以安善良誠保民之善政也晉江黃濟川裁才貽楫花會嘆云賭博害人心花會爲尤毒三十六門中儼是銷金局士農及工賈顛癡紛逐欲賭爲

姦邪媒此尤敗風俗可憐閩閩中貪心多被辱誰學朱文
公治閩如治蜀此詩實有關風化

新會鍾鳳石孝廉

啓韶

著有讀書樓詩鈔笛航遊草詩多明

練切於時務如幹濟實資才糟粕直須棄乃知紙上談不
了天下事句如事到大難惟有達家能粗可不如耕番禺
張南山聽松廬文鈔云灣門古名壕鏡在香山縣南虎跳
門外先是暹羅占城瓜哇琉球淖泥諸國互市俱在廣州
明王德時移於高州之電白縣嘉靖十四年指揮黃慶納
賄請於上官移之壕鏡歲輸課二萬金佛郎機遂得混入
又潛匿倭賊萬秣四十二年總督張鳴岡檄番人驅倭出
海因上言壕鏡在香山內地官軍環海而守彼日食所需
咸仰於我一懷異志我卽制其死命若移之外洋貿易則

巨海茫茫奸宄安詰制禦安施似不如申明約束無啓釁
無弛防相安無患之爲愈也部議從之其時大西洋人來
中國亦居此澳此前明番人來居澳門之大略也我朝
德威遠播懷柔諸夷重譯梯航嚮風慕義今居澳者多西
洋人日久亦甚馴順惟啖咭喇貪頑而狡獪彼見西洋人
安居澳門頗有歆羨妨忌之意也包藏禍心殆不可測是
則慎固海防嚴察奸宄有守土之責者豈可忽哉聽松廬
詩話云鳳石有澳門詩十二首句如兵鬼黔於墨臊漿凍
欲冰蠻姬帚疊摺番衲髮鬚髻又不風潮刮岸當午瘴沈
山大舶微如點類沙曲似環語皆警健又羈縻原勿絕他
族爾勿滋十字尤有深意

空拳赤手初生世富貴何人是帶來既不帶來難帶去銅山

鐵券總塵埃此南昌漆雲窩諸生修綸詩也粵東張南山
謂此詩可爲世閒沈迷貪戀者作醒夢鐘聲誠爲稿論諸
生著有雲窩賸稿詩多警世之語

人非忠孝無文字天與艱難有性情此番禹李秋浦布衣麟

讀正氣歌句也語含諷勸不易多得布衣五言古示兒姪

詩七言古崑崙崙關懷古皆卓然名作今未錄句如葦葉潮

乾浮海月棟花風起上鮒魚亦清婉可詠

侯官閩秀高芸馨孺人素芳永福國子生王應箕福疇室也

孺人爲高瓶城先生名允煥女箸有榆塞聯吟詩草壯色

王荔村先生名有爲之子婦沈聲出於閨中尤不易得其土木堡詩云土木傳音誤唐名

統漢後誤爲土木誤千秋古堡留空屯邊馬躍落日塞狐愁諸將論

功候元戎苦戰秋行人關外望赤霧滿城樓徐堅初學記
土木堡上有

青霧赤霧白霧黃霧之異

其居庸關二十八字則太白龍標之亞也詩

云居庸關外草萋萋居庸關上子規啼寒風吹雪鼓鼙死
大河落日牛羊低孺人更有虞姬七絕用意新穎未經人
道詩云楚聲四壁泣青娥一曲虞兮奈若何猶有美人能
殉國勝他韋呂負恩多水仙花云仙姿仙骨水中仙環佩
聞香薄暮天最愛凌波寒不語隔簾窺處月如煙菊影云
兩三瘦骨影迷離風峭霜濃月一籬繪出柴桑秋景好香
痕印砌上燈時二詩渾脫無詠物痕跡孺人有婦德應箕
國子生早卒孺人以節孝聞

永福王筠卿孺人

瑞蘭

侯官何藻亭孝廉

同文室也

孺人爲
荔村先

生之四女左卿觀
察名大經之子婦

著有榆塞聯吟草情詞激越如哀角秋

笳聞聲悽惻其與高芸馨孺人土木堡聯吟詩云舊蹟留

雲堡形排亞字斜柳屯雙隻埃茅屋兩三家折戟猶埋草
顏垣正落鴟顯忠祠宇在遣恨說蟲沙又長城懷古一律
氣格沈響雅有唐音詩云版築勞勞執扑催當年力役雁
鴻哀金湯本爲千秋計鼙鼓翻從二世來成塞壓雲盤遠
勢女牆漬雨墜殘灰夕陽終古留遺蹟荒堞顏垣半掩苔
孺人不永其年豈天忌其才而奪其算耶

全椒吳抑菴

字山

侍講

蘇

箸有夕葵書屋詩集

嘉慶四

年進士湖海

詩傳云山尊胸藏二酉力富五丁所作駢體沈博絕麗少
爲石君司農激賞詩以韓孟皮陸爲宗鬪險盤空句奇語
重五言長古尤足以推倒一世按侍講詩五古東坡生日
禮像七古題桓伊吹笛圖可稱名作其趙忠毅公鐵如意
詩有入手七星寒剖心一寸赤之句可謂精警句如竹陰

先客到山色與詩來去雁遠從潮際定歸鴉爭向雪前喧

歙縣鮑覺生侍郎

桂星

著有覺生初稿

嘉慶四年進士

秋雁詩千點

月涵汾水白一行天斷楚峯青落葉詩梧桐南內唐天寶
枯樹西風瘦子山句如江湖淚滿窮途後雨雪魂銷欲別
時皆渾脫可誦

湘陰彭玉吾解元

瑛

嶽麓禱

詠詩意境清爽灑然出塵其詩

云棲鸞嘉樹倚雲栽一徑春清翠作堆聽得空林人語響
山僧遙踏落花來琅玕萬个影珊珊繞院青煙撲曲欄留
伴孤松殘雪裏月明風靜耐餘寒玉吾嘉慶戊午第一是
科揭曉第一爲傅晉賢闈墨出則玉吾文也榜出嘩然時
典試爲甯化伊墨卿秉綬監臨則姜度香中丞晟也究出
晉賢賂書役某甲割卷弊竇於是置某三人於法晉賢亦

羅重典而彭仍爲第一

邵康節先生詩云冬至子之半天心無改移一陽初動後萬
物未生時元酒味方淡太音聲正希君今如不信請更問
庖犧此修仙詩之得其三昧者曾惟闇先生詩云所以愛
禪棲境幽不可倦燈將光俱微心與道相見孤磬坐三時
斷山月一片火飛原上燐僧入定中徧此修禪詩得其三
昧者

善弓者師弓不師羿善舟者師舟不師奭善心者師心不師

聖

闕尹子語

善詩者師詩不師古然不師古者不襲古耳不摹

古耳不泥古耳非戾古也所謂學之太似轉與古人遠矣
作詩者須前無古人後無來者方可爲大家若篇法句法
字法必求肖古人徒爲古人執箕帚耳前明何李詩好摹

擬前人往往有此病

落花風裏藝旃檀靜誦金經擁髻看我道生天猶易事世間
第一作人難此吳縣張儀祖贈內詩也溫柔敦厚得三百
之遺

明季闖賊攻京師城陷城中婦女被賊兵姦淫殆盡惟凡死
節諸臣之家賊不得入其婦女得免似有神明護門也事
見計六奇明季北略可知忠孝節烈鬼神所護此其明驗
亡友林松門詩云正氣塞天地神明嘗護門正謂此也

儀祖絕句

儀祖字
研孫

情韻纏綿風格清婉本朝阮亭而後可與

東薊吳蘭雪並傳其雞鳴埭云碌碌香車碾玉塵鐘聲纔
動景陽春君王不待雞鳴起誰是深宮戒旦人瓜果宮中
乞巧陳香羅紅白簇鮮新長干榻上燈千點祇照孟蘭會

裏人檀槽金屑恨長埋鸚鵡三生願竟乖留得玉環空約
臂提鞦人已上香階別開錦洞自藏春高髻織裳穩稱身
新樣又傳天水碧露華沾遍六宮人遊仙云深淺蓬萊總
不波瑤池阿母鬢雙瞠桃花本是人間種莫怪春來結子
多雲階月殿笑相迎鳳背簫聲鶴背笙別有頑仙便野性
一畦瑤草喚龍耕相邀月姊更星娥天際雲駟鹿鹿過一
曲研光花亂舞神仙偏是少年多羅裙百幅翠霞圍紫府
朝來跨鶴飛不是仙人能割愛桃花肯放阮郎歸羅衣貼
玉一重單仙骨從來不怕寒洞府春深三月雪碧桃花下
飼青鸞白雲一徑吠仙尾玉洞春深駐繡幢約略花神微
嘆息芙蓉不合謫秋江鳳蜡籠肝宴正張隔窗饞眼溜東
方瓊妃祇在珠簾內掠鬢風來碧柰香唐韻書成筆欲投

人間夫婿總無愁，眼前衣食譚何易。祇合三山跨虎遊，秦
淮對酒作云一區碧。血葬忠良燕子高，飛入建康多少臣。
家紅袖女琵琶斜抱怨先皇，天道茫茫卻有憑。秦燈燕子
阻中興，管絃自奏薰風殿。山鬼蒼涼哭孝陵，狎客妖妃氣
自驕。無情山色送南朝，金盤日啖深宮狗鹿血。憑他賊酒
澆宗社，徒憑尺土爭中朝。棋局尙相傾，長江未報韓擒渡。
風鶴先譁四鎮兵，秦淮簫管遏行雲。一盞華燈照夜分，殘
局東林還未了。秀才復社又論文，桃花扇底送侯生。空費
蛾眉淚滿巾，一紙畫梅誇得婿。鏡奩七首是何人，舊院荒
涼夢水天。畫簾丁字故依然，胭脂不洗前朝孽。日落秦淮
尙管絃，逍遙湖上半載於茲。偶檢武林襍事所感涼夕薄
醉雜題屏端，援今證古風俗懸殊盛衰之際，可以觀矣。半

弓粉印漬香蕪花妥羅裙。蛺蝶扶祇覺承平。梳裹好憐他。
上馬快春跌更無庵。酒說風流十五當。鑷歛抑羞楸葉攔。
街誰喚買玉人雲鬢。不知秋竹外橫枝春已深。茄檐斜日。
凍醪斟相公不設梅花禁。容我江湖自在吟。冰紋槁子隱。
迴廊半臂蟬紗出浴裝。一樣雲鬢堆茉莉。市中花價不曾。
昂。摘句旗亭可愛才。去非七字趁心裁。杏花自寫春風意。
館閣憑他選墨梅。一角藜祠倚夕陽。神仙風月麗人粧。臨。
安花禁當年重。卻許陳思譜海棠。二月廿二日作云雪花。
如掌打聽猶稍撥深灰。擁地爐萬事尙留明日在。肯將詩。
興敗催租者時有索通者在門

履堂遺藁一卷侯官姚履堂

懷祥

大令著大令舊曾手訂詩

草二十卷勵存一卷大令少家貧苦讀遂能文

嘉慶庚寅鄉榜屢

上公車不售以大挑一等捧檄浙西道光辛酉英逆竄入
定海縣縣在海之中央居民不及千戶援兵未至大令倉
皇投北門外之成仁塘遂死於難事聞 詔卹襲蔭近其
少君以大令遺藁一卷示余爲錄若干首庾開府之集亡
而復存蘇子瞻之詩焚而再易讀大令詩可謂交豹之一
斑吉光之片羽也集中諸體典贍而出以性情絕句有北
宋人風味其題家秋圃小照云形骸於天地俯仰若爲寄
苟得容其身不妨任遊戲達者又何人吾宗知此意是色
亦是空化指復化臂適在皆我相無不可位置兀坐對伉
儷一僮及一婢小憩忘其形貌居渺無事此卽安樂窩非
守雲泥義五言律舟中望月和古樵韻云萬古此明月一
輪圓到今影空大地水秋挂行人心極漢遠如許高章誰

獨吟聞聲爲起舞，蒼氣滿溪深。雨後過張溪口，云直遣寒
如此空江湧畫圖。幾家浮島出，萬壑入天無。人語聞蒼靄，
溪痕帶綠蕪。去舟何處是，前港起飛鳧。七言律樵溪道中
云：眠色沈沈溪路昏，山迴路轉出雲根。尖峰缺處立孤樹，
絕港通時逢小村。滿載晴煙入花竹，一簑春雪下田園。波
光澹蕩放舟去，不問漁郎前度源。讌邱古漁宅，分詠紅豆
云：艷服華幃照眼紅，記歌宛轉綺筵中。憑君莫唱相思曲，
有客江南盼遠鴻。舟行云：箬笠密影翠交加，彌望陰濃徑
盡遮。欸乃一聲扶棹出，不知煙裏是漁家。沈沈夜氣羃寒
陂，滿眼迷濛繫艇時。溪浪打灘風四面，篝燈蓬底讀唐詩。
晚泊謝坑云：溪痕漲綠轉山岫，春色橫舟亂靄交。坐聽隔
江雞唱晚炊煙，數簇上林梢。和漁梁壁間韻云：行隨海燕

去雕梁驛路風光取次嘗筍乘兩肩山萬桁擁裘坐看野

雲忙過漂母墓云墓旁有祠晨炊曾阨南目婦韓侯始依下鄉南昌亭長其妻

苦之晨炊不具鐘室還遭呂后擒前後遇人不如母感恩何止報

千金釣臺懷古云風雨昆陽盛將才先生何事富春來早

知東井星沈後不覩雲臺覩釣臺竹堦云山勢隨肩起伏

行迢迢疑重又疑輕安閒一路啼鴉裏風雨灑湘午夢清

偕負爲小西湖夜泛云蒲尖棲露蓼拖煙泛過蔬園又稻

田萬籟無聲湖月出飛虹橋外水如天泠泠清調入船幽

蘋末涼風送野謳微火數星扶櫂出三汊煙港下漁篝

余友臨桂朱伯韓侍御持浣蓮隱士趙巨先布衣詩見示諸

體多沈鬱蒼涼深於杜法壺山蹋雷酒人墓七言律一首

則高唱入雲獨開生面其詩云長星勸爾酒千鐘行樂人

間歲月窮白日醉來天地小青山死去酒壚空似愁長夜
無春色故倚天桃作小紅埋骨陶家獨未達何如身葬此
壺中

與竹齋詩草四卷李古陶孝廉麋堯著道光甲辰余應禮部

試舟次江南與古陶同行古陶出其稿示余詩多豪放吟
詩一首尤有意理出於天籟詩云我不樂吟詩佳句忽然
至我方樂吟詩凝思無一字當其已吟時亦與未吟異顛
倒詩人心造化真游戲

婺源董小查太史桂敷詩追步昔賢太史篤行醇儒中年引

退家居不仕詩宗昌黎五言古寄感八十首體大思精橫
絕一代今錄存數首詩云萬物萬種色一雲一情狀造化
真文章本自無定相渾灑四代書巍巍九霄上義經更四

手各名見德量風雅正變音分途成絕唱代有作者出皆
言絕依傍胡爲後世文愛畫葫蘆樣更於拜獻資一轍範
趣向天駒縱超羣何由顯雄壯鱷鯢潮州檄龍求瀧岡碑
感物有真精豈在空文辭如何薄識子爭誇華藻擣耳目
愚一世心胸積萬欺兒童甫弄筆粉飾遞相師焉能當大
事開懷釋羣疑陋哉揚子雲篆刻後賢嗤偉矣陸宣公一
詔天下悲樂哉吾此遊客問來何自爲啟牀頭書周官卷
第二津塗乍指道耳目頓開異其中皆井田桑麻徧樹藝
原禾映溝塍牧饁雜婦稚牛羊墟里間雞豚籬落際靜聞
織績聲動見和親意工商各循法庠序敦孝弟黼黻醉仁
風菟苗申義氣客曰樂哉國真勝桃源地如何世更秦絕
境無由至約國有樂地羸界無恬機多財石季倫死愧榮

啟期倫通天地人或昧心肝脾讀書僅貪多入世羞爲雌
不必大聖賢有識嘲其癡未覩秦漢庸焉識唐虞奇五服
極五千外薄從羈縻悲哉輪臺悔莫救喪亡師轉轉腸中
輪織得頭如雪盈千新慮生溢萬去景滅諒無神鼇負詎
有仙鶴骨浮雲太虛幻愁每天邊結天公憫其愚霽之以
日月日月我並明晝夜約代出天公善其慧籌之以不絕
妙運更消息得不常圓徹念此心目間超然頓軒豁狂風
拔大木岳立初不覺以茲溪澗清欲敵黃流濁河伯撫掌
笑魚蝦抱石哭堪嗟爾正平矯矯以遭戮中散亦人龍迂
嫚危機觸步兵眼雖白臧否妙藏腹偉矣孫公和鸞嘯天
邊獨喉脣自霜鋒斬絕塵俗目愛憎莫得加何由挂榮辱
厚園遺集一卷文集八卷邵武建甯吳厚園茂才淳著茂才

早歲澹於進取砥言礪行動必師古當世之隱君子也文學昌黎得其神髓其同里張亨甫詩才雄視一代交遊遍天下其自訂詩文全集則惟求厚園一序之蓋心服久矣厚園文高者入昌黎之室次亦不失爲李習之高於其鄉朱梅巖高兩農二家詩不多作然作者往往入格與其同里黃伯喬茂才士遷友善其贈伯喬福州讀書詩云薌谿舊是松寥友聞說風期最可人君到榕城試相訪定逢相馬九方歎厚園今墓有宿草矣讀此詩不勝有人琴之感效顰集二卷侯官閩秀洪秋崖蘭士著秋崖名龍珍字蘭士爲許梅生孝廉宗元室夙耽風韻詩筆清婉如春花初開明豔照眼又如碧桃滿樹流鶯比鄰與梅生琴瑟調和今之梁鴻孟光也五言律別後有懷蕙田云十載盤桓好依

依惜遠行人隨流水去愁逐晚潮生岸闊雲山寂江空夜
月明更深不成寐應念故人情七言律雪花云誰向瑤臺
處處栽漫勞天女散花來臨風非樹能生玉照水無枝欲
作梅未把菱根親粉面先從珠蕊護仙胎空中自有奇香
在不污人閒一點埃七絕秋夜哭母云繞膝承歡事總虛
重泉消息果何如夜來嘹唳南飛雁不帶幽冥一紙書送
蕙田姊于歸後卽赴淮陰官署云一曲羸簫唱和新奩間
彩筆畫眉頻春風從此添佳句記否深閨有故人碧窗同
汝繡羅裙錦字文章五色雲若把婦功論優劣姑針合拜
薛靈芸記自連牀對影初石榴花下閉門居雞聲催落西
樓月夜夜挑燈共讀書咏明妃云馬上琵琶塞外秋漢宮
花草自悠悠於今只有長沙月照見邊關萬里愁夜蘭感

賦云夜闌獨坐自支頤四壁蛩聲若助悲滴盡淚波雙袖
濕回頭惟有侍鬟知讀媚蘭仙子詩集感題云玉骨曾經
九轉丹天風吹降步姍姍邈來新得秋江譜不寫芙蓉寫
媚蘭惆悵當年風月闌玉鈎斜處粉妝殘如花春殿知多
少不朽香魂一媚蘭哭虞妹心香云飄飄仙馭逐飛雲天
上修文忽召君莫是玉樓才子少竟將此事屬釵裙寒夜
懷舅母葉夫人云凜凜霜風夜色寒剪刀聲歇漏聲殘欲
呵凍管書愁緒兩袖啼痕不忍看漫興云漏鼓通宵傾耳
聽燭花頻翦淚熒熒東牕月又西窗落起看明河數點星
述懷云深閨擗管本非宜不待人言我自知但問風詩三
百首如何偏冠婦人詩斷腸人說斷腸情撥草拈花句易
成畢竟尙拘兒女見詩書未快讀生平贈表妹蔣淑釵云

身入木言言
盈盈丰格復輕柔眉黛含顰不解愁移向沈香亭畔倚壯
丹無語也低頭瑤草拈來笑共裁我憐風趣汝憐才此生
得幻黃崇嘏也下溫家玉鏡臺寄蕙田姊云淚痕和墨寫
生綃閩海淮江寄恨遙緘就尺書香已燼半簾風燭雨瀟
瀟夏日卽事云石榴影映茜窗紗書倦吟成日未斜行遍
長廊無一事午街喚賣素馨花覽鏡云春花秋月幾魂銷
相對無言總寂寥一病誤卿今至此懶將和淚更誰描漫
興云撥開愁霧展雙眉悲月憂雲本不宜欲換毛錐重洗
硯從今不賦斷腸詩

陸務觀云詩欲工而工亦非詩之極也鍛鍊之久乃失本指
斷削之甚反傷正義纖麗足以移人夸大足以蓋衆故論
久而後公名久而後定

十駕齋養新錄
引何君墓表

乾隆癸未歲杭州杭大宗世駿以翰林保舉御史例試保和

殿大宗下筆爲五千言其一條云我朝一統久矣朝廷用

人宜泯滿漢之見是日 旨交刑部部議儼死 上博詢

廷臣侍郎觀保奏曰是狂生當其爲生員時放言高論久

矣 上意解救歸里乙酉歲 純皇帝南巡大宗迎 駕

召見問汝何以爲活對曰臣世駿開舊貨攤 上問何

謂開舊貨攤對曰買破銅爛鐵陳於地賣之 上大笑手

書買賣破銅爛鐵以賜之事見龔定 卷文鈔 杭州龔冒施國子生

論詩論大宗詩云大宗狂比青蓮甚買賣破銅爛鐵人所

以志其狂而紀其實也

福州陳梅修先生壽祺絳跗草堂詩鈔題唐子畏自書詩後

云夢墨亭何在飄零短札寒才華在易損身世醉難寬白

首悲張祐青山葬伯鸞莫題秋士感更泣落花殘

子畏有落花詩

二十按才華十字括盡子畏一生神味黯然不忍多讀身

世句尤未經人道

秀水朱錫鬯先生爲畢大生題扇云今年十月尙暄和雨後

流泉響玉河竹扇未應收畫篋絮衣猶可著香羅離根細

菊冬逾媚砌下吟蟲夜轉多那得滄洲載新酒亭前捉卧

甕人過先生又有春暮何少卿招同故鄉諸子集古藤花

下送譚士之舒州詩有捉卧甕人選詩格之句新城王貽

上見之未知所出搜討羣集將十年未得其解論者少之

今按寶退錄李廷中撰捉卧甕人格酒令以畢卓劉伶稽

康阮孚山簡阮籍儀狄顏回屈原陶潛孔融陶侃張翰李

白白樂天數人爲目捉卧甕人格本此貽上讀書亦博雖

非錫鬯之比以視世之經史子集束之高閣者相去遠矣
一二典記之不知烏足爲贍上少哉

韓冬郎已涼天氣未寒時七字最耐人尋繹福山鹿木公先

生

林松立秋夜同星船先生云露坐入深夜不知秋已生

感人先以氣到樹尙無聲感人十字微妙處正與冬郎同
非真得秋氣者見不到說不出耳若立秋夜聞秋聲便是
衆人筆下所有

吳漢槎古體長篇如白頭官女行秋雁篇將赴遼左留別吳
中故人同陳子長飲卽席作歌同陳子長話吳門舊遊贈
吳穉恭散騎贈孔叟諸篇久膾炙人口北風云馬上北風
哀黃雲慘不開寒催龍磧斷聲捲雁沙來驛騎衣空寄嫖
姚戰未回何人吹篳篥淚盡落雕臺寄懷陳君子長云瓊

射鷹樓詩話

卷四

九

暎風連曙長河雪過春一年頻臥疾萬里獨懷人世事文章賤交情患難真茫茫窮塞外愁寄別離辰卅生過飲云相見添新鬢相悲話故鄉那堪逢晏歲俱是客殊方捫酒荒臺月征夫大漠霜風波滿眼淚對爾益增傷與舊史云衡門蕭寂掩蒿萊念爾行藏未易才更始舊臣馮衍在朔方遷客蔡邕來望中鄉國空三戶亂後文章有七哀搖落深秋邊色裏援笳愁上北風臺感懷詩呈家大人云棘寺陰濃樹色長故園何處淚沾裳獨憐積毀能銷骨無那含冤易斷腸授簡圍扉思夏勝上書梁獄泣鄒陽金門咫尺招賢地不得雄文達建章寂坐匡牀飲濁醪臨風愁聽角聲高訪書何事騰三籥壯士由來泣二桃目斷鄉關空涕泗心傷烏鳥自悲號可憐一片江南月永夜蒼蒼客夢勞

讀漢槎詩如聽霜天哀角音調淒清真不啻一聲何滿子也

道光庚戌秋家文忠公少穆官傳出其封翁賜谷先生飼鶴

第三圖橫卷命題圖中題者率皆名輩歛縣程春海少司

農恩澤詩可謂真切詩云眸子激明骨相清綺年文字早

知名六經貫串尤耽易先生尤繪取中孚子和聲海山清

各自生肥養得車輪玉雪衣天下共知鴻鵠舉謂少穆夢

中親見鳳皇飛用孝穆仙糧分寵劇蕭閒看竹尋梅偶啟

關但道南飛不西笑 九重拈出六朝山中丞陳臬陝西

後蒙 聖恩曲體升任江甯方伯八十臞翁尙苦吟雲車

霓旃印仙心人間欲識林君復合向江郎石畔尋先生望

詩云霓旌兮雲車仙之人兮招余竟絕筆於此菽水長留勝鼎鐘先生枯魚銜索

感何窮十年一樣孤兒淚付與蘇耽叫朔風

澤與中丞先後銜卽今皆

鮮民矣

建甯張亨甫二絕句云手種梅花滿故山蕭然對

影掩柴闕卽今華表秋風裏百歲胎禽亦不還雛鳳清聲欲滿天江淮雞犬已皆仙家家飽却芝田粒始信當時翼子賢可謂渾脫切題意在言外余撰七古一篇太傅此之

虞文靖云

仙遊王穀貽太守

紹燕

余已亥同年也箸有不忘初齋詩草

句如秋夜云高樓一聲笛明月萬家砧舟行卽事云樵漁

隨處有天地此身閒高朗可誦建甯丁樸夫廣口文

汝恭

刊二樂堂詩集其秋夜書感云兩三點雨作秋意四五更

風變曉陰舟過葫蘆山云近水空青溪轉處遠山通白雨

來時置之薛君采楊夢山集中幾無以辨矣

掩骼理骼厥功不淺况多葬停棺亦爲禦旱之一策乎南方
人富者惑於風水厝棺不葬迨家落而子孫亦飄零不顧
其貧者無力營葬或一室停數世之喪又其甚者以木桶
瓦罐窆貯之並有客死無人過而問之以至日久暴露荒
郊游魂無歸往往助旱魃爲虐皖江汪稼門先生

志伊撫

浙督閻爲籌募資飭委各州郡賢員協同地方官逐處查
明將無主及有主無力者妥葬官山因舊爲之標記爲勒
小碑其有主有力者張諭曉勸依限速葬前後報竣者以
萬千計先生述懷詩云欲酬大旱雲霓望遍瘞荒郊暴露
棺此舉實爲善政亦有陰功

儼人必於其倫太過溢詞便自失身分學者不可不慎余閱
皖江稼門詩鈔其自題吳清夫壽予七十文冊七言古云

儒者氣象禮樂兵三代以下孰與京謬矣清夫欲許可妄援忠武來况我稼門先生詩本自謙之詞而吳清夫以岳忠武比之無乃不倫昔人以楊伯起爲孔子黃憲爲顏子已贊揚失實無益於人語歸虛妄而已

仁和王見大

文語

所撰蘇文忠公編注集成極博而精以其

餘論成蘇海識餘其有可探者如謂柳真齡字安期閩人也與陳季常善亦從蘇公遊三人多託禪說爲戲公書牘中所稱柳簿是也柳寶一鐵拄杖如榔栗木牙節天成中空有簧舉以遺公公賦七古一篇首云柳公手中鐵蛇滑千年老根生乳節忽聞鏗然爪甲聲四座驚顧知是鐵蓋紀實也明年張樂全生日公向鐵拄杖並寄詩云先生真是地行仙住世因循五百年每向銅人話曠昔故教鐵杖

鬪清堅入懷冰雪生秋思倚壁蛟龍護晝眠遙想人天會
方丈衆中驚倒野狐禪又二年作東坡詩云雨洗東坡月
色清市人行盡野人行莫嫌犖确坡頭路自愛鏗然曳杖
聲時鐵拄杖久在南都無復鏗然爪甲之聲公但託以寄
意而已又二年公自南都放還宜興道中寄吳德仁兼簡
陳季常詩云龍邱居士亦可憐談空說有夜不眠忽聞河
東獅子吼拄杖落手心茫然據獅子吼經佛氏但取其聲
宏亮能警大衆無他肯也河東卽柳真齡謂柳嘗以說經
戲季常並以鐵拄杖爲棒喝耳此皆追述嬉笑之詞也其
後至常州法華院又有詩云六花薺蔔林間佛九節菖蒲
石上仙何似東坡鐵拄杖一時驚起野狐禪其詩意前後
一轍公與柳不復更有此杖而屢見於詩皆寓言也詩家

割截獅吼句調妬拄杖擊壁妄甚

余公車入都行近丹徒便有思鄉之念以丹徒地似北方風景與南方異也秀水朱西駿

昆田

號文盜竹垞先生冢嗣

也著有笛漁小藁其丹徒詩能言余之所欲言詩云望裏雲帆曲曲遮紫紆一綫走修蛇晚潮入浦舟難上高岸如山日易斜軋軋小車裝酒母紛紛鄉客買魚花丹徒不似江南景到此令人便憶家文盜詩風骨峻深本於性情足以繼響乃翁高菡村

層雲

謂其詩上窺韓杜下汲蘇黃推

陳出新瑰奇光怪非虛語也文盜藁已附曝書亭行世其

長篇古風多佳篇競渡歌一首尤奇越以篇長未錄五言

古京口阻風二首云輕裝附楚艚遠役逼歲暮此行有底

急直以饑寒故同舟客未來半月泊江步局促短篷中有

若雞在筮掀掀鼃鼃嬌淘淘波濤怒遙想家中人謂我已
前路豈知蒜山下日夕神魂怖傷哉遊子心有口向誰訴
陶有乞食詩顏有乞米帖古來賢達人亦爲餓所脅低心
向親朋未免日嘯嘯我徒拙治生終歲行劫劫天寒風雪
緊波浪乃輕涉朝餐箸或停夜枕夢屢壓冷披舊征衫悶
理破書篋何時足山資不與人世接七言古采桑女云采
桑女清且妍盈盈纔十五鬢髮初覆肩生長村舍中不識
黛與鉛新春買得流年圖把蠶最好惟小姑吳蠶三眠復
三起紫山看火屋角呼采桑女采桑宜及時采多畏葉乾
采少憂蠶饑蠶不饑齊上簇三日山頭繭如犢小繭作絲
光比銀大繭作絲軟勝茵城中美人學歌舞羅綺成堆視
如土霜風獵獵十月寒采桑女兒衣仍單閭門云每到閨

門便小留鴛鴦多在百花洲綠窗呢呢聞私語翠被厭厭
恨早秋疊鼓催人辭好夢亂蟲爲客訴離愁燕吳南北三
千里第一難忘是此樓金山口云四圍山色翠相連積潦
成湖遠浸天干尺敗堤眠斷虹去聲一丸寒日落荒煙水夫
拄杖爭馱客舟子拏篙橫索錢道路杠梁盡王政由來迂
闊獨前賢上九江郡守叔云九派煙江接蠡湖潯陽風物
盡堪娛蓮花擬結東西社羸髻遙看大小姑謝客近多池
草句阮咸許入竹林圖官厨脫網鱗魚美到此令人懶問
途七絕索禹尙基畫月波吹笛圖三首云朱三十五住吾
州也戀尊鱸買釣舟我亦還家作漁父夜涼吹笛月波樓
吳儂種水是生涯朝對荷花暮芡花蟹舍卽當漁屋小垂
楊影裏占鷗沙禹卽畫筆近來無逸寫鴛鴦一片湖不見

當年黃子久由拳曾作讀書圖題查田蘆塘放鴨圖二首
云漾水投波各一羣半湖淨綠皺圓紋誰知煙雨冥濛裏
絕勝塵沙漲帽翬朝把竹竿驅鴨去暮把竹竿闌鴨歸柳
陰日午了無事翦得綠篔簹編雨衣題寫山樓主人墨梅二
首云墨梅舊數揚補之今看尺幅橫一枝盡刪海粟百絕
句寫山樓有無聲詩冷蕊疎枝色斬新鮑夫人合管夫人
問君嫵媚何能爾莫是羅浮夢後身題楓江漁父圖云馬
蹄也怕踏黃埃被衲魚衫稱意裁倘欲尋人辨細漿不妨
遠喚阿咸來

漢陽劉棻雲同年贈余詩有著書博過草木子論事達於大
小蘇之句按草木子爲葉世傑名子奇著世傑龍泉人洪
武時用薦授巴陵主簿嘗作太子本音究通行皇極之說

儒者稱之洪武十一年春有司祭城隍神羣吏竊飲豬腦酒縣學生發其事子奇適至以株連就逮獄中用丸磨墨有得軌書事釋家居續成之號草木子其書稽上下之儀星躔之軌律歷推步之驗陰陽五行生尅之運海嶽浸瀆戎豸希有之物神鬼伸屈之理土石之變魚龍之怪旁及釋老之書而歸於六籍兼記時事失得兵荒菑異曰草木子者以草計時以木計歲以自况其生也見曝書亭集卷六十三

紅葉詩以張亨甫前後七律爲最其詩不離不即脫去咏物窠臼前詩二首之一云放眼秋光正可悲數株紅葉復離離離蒼涼天地還春色搖落江山感歲時徑畔白雲飛欲盡宮中流水去何遲依稀一碧煙巒在錦障誰家擁黛眉後

詩四首云高霜昨夜已生花散在山涯更水涯千里楓林
成返照一天寒色燒晴霞斑斑遠映帆如馬點點歸樓浦
露鴉搖落不須悲楚客洞庭西望黯清華高高石磴遠山
盤雲白峰蒼葉盡丹欲暮歲華猶著色不風木末轉生寒
珊瑚斑駁誰家寶錦繡依稀故苑看惆悵阿麼金粉地花
旖綵樹久飄殘江北江南萬樹遙馬嘶落日正蕭蕭秋光
有信悲千古春色無多換六朝艇子經時波未下桃花前
度影難消一鞭看到青溪曲慘澹江楓亞板橋蒼然平楚
帶寒城粧閣多應望眼明錦字似分林際影官愁怕聽水
流聲孤煙暝晚山如黛幾處當空雨亦晴借問相思紅豆
子凋零南國不勝情

閩縣何太恭人名玉璵字梅隣鄭松谷太守之母少隨兄番

馬縣丞官舍縣丞捧檄解餉滇南道卒恭人恐母驚慟秘
之託所親歸其兄喪而詭詞以安母少明慧女紅之暇耽
書史好吟咏論史多剗解旁通繪事弈棋精音律間得好
竹手截爲小洞簫吹之合律至今猶存於家教子嚴松谷
太守五歲時從外傳歸率挑燈爲講經史出入行坐不許
一毫佻達衣褶辨髮不如式卽詰問譙訶有疎影軒詩稿
詠史李文姬云父仇固耿耿深慮不忘危范滂母云鄙哉
張元節逃死累九州孔融女云裂皆數阿瞞慘慘一何悲
此女皆荼毒空贖蔡文姬王霸妻云當其偃卧時理欲交
戰久室謫倘有詞北門恐失守陳韋仁先生謂其詩善於
論古五言如秋聲生綠竹露氣滿蒼苔竹筍掀泥出梨花
帶雨肥遊小蓬萊云滿徑白雲冷數株風樹斜此中有偃

女願與乞胡麻七言如感懷云家餘健婦無黃口我媿連
枝哭紫荆寄遠云春到貧家忘別離又云儒者治生原急
務古人隨地有師資掃梅云未忍和苔黏履迹月明攜帚
掃瑤華暮秋云春去春來如一夢菊花無語殿涼秋平明
云禮罷佛香簾乍捲窺人燕子語梨花呈迺亭兄云求得
安心慈母樂白華潔養不憂貧詞意清婉可謂閩中之風
雅

前人詩花名十姊妹鳥號八哥兒案字書鸚鵡謂之咧咧鳥
戴侗說鸚鵡云南人以白者爲鸚鵡綠者爲鸚哥然則八
哥者咧哥也

落葉詩與落花詩不同東薊吳蘭雪刺史落葉詩渾然無迹
可謂咏物神品詩云葉聲如雨下空籬腸斷攀條爲阿誰

滿地夕陽人去後一林霜信雁來時曾禁旅病眠孤館親
見飛花別故枝今日西風蕭瑟甚紙窗燈暗坐吟詩